



Inatsisartunut ilaasortaq Nikolaj Jeremiassen, Siumut  
Inatsisartoqarfik  
/Her

**Aalisakkanik akitsuusersuineq pillugu §37 apeqqummut nr. 178-imut akissuteqaat**

Brevdato: 30-07-2015  
Sags nr. 2015 - 6875  
Dok. nr. 803812

Asasara Nikolaj,

Inatsisartut Suleriaasianni §37 imm. 1 naapertorlugu apeqqutigisimavat.

P. O. Box 1037  
3900 Nuuk

Tel. (+299) 34 50 00  
Fax (+299) 34 63 50

E-mail: oed@nanoq.gl  
www.naalakkersuisut.gl

**Upernaakkut Inatsisartut ataatsimiinneranni 2015 aalajangerneqarpoq aalisakkat qallorneqartut tamarmik akitsuusersorneqartalissasut, taamaattumik apeqqutigissavara: Aalisakkat sorlerpiaanukua akitsuusersorniarneqartut?**

Akissut:

2015-imi taamaallaat raajat, qalerallit avaleraasartuullu akitsuusersorneqartarput. Ukiakkut Inatsisartut ataatsimiinneranni 2015 avaleraasartuunik akitsuusersueriaaseq allanngortinniarlugu, taamaasilluni aalisariutit Kalaallit Nunaanneersut aalisariutinit nunanit allaneersunit akileraarnikinnerutinniarlugit, inatsisissatut siunnersuummik saqqummiussisoqassaaq. Saniatigut ammassassuarnut ammassannullu akitsuusersuinissamik aallarnisaasoqassaaq.

Ukiakkut 2014-imi Inatsisartunut qinersisoqarnera pissutigalugu aalisakkat pissuseqatigiit tamaasa akitsuusersorniarneqarnerannut inatsisissatut siunnersuutitut suliaq kinguartinneqarnikuvoq. Tamatumunnga tunngatillugu Ukiakkut Inatsisartut ataatsimiinneranni 2016-imi inatsisissatut siunnersuummik saqqummiussisoqarnissaa naatsorsuutigineqarpoq.

Aalisagaqarneq tunngaviusumik ataatsimut pigisaraarput, inuussutissarsiutigalugu aalisarnermut atugassinneqartoq. Taamaammat Namminersorlutik Oqartussat, aalisarnerni ataasiakkaani aningaasaqarnikkut tunngavissaqarpat, aalisarnermi isumalluutini akileraarusersuineq piumasarisinnaavaat. Tamanna politikkikkut tunngaviusumik annertuumik isumaqatigiiffiuvoq. Kingusinnerpaamillu maajimi 2015-imi naalakkersuisoqatigiinni partiit 2015-imut Aningaasanut Inatsisip isumaqatigiissutigineqarneranni oqaasertaliunneqarpoq.

Ullumikkut aalisarnerit arlallit, isertitakippallaarneri pissutigalugit, isumalluutini akileraarusersussallugit pisariaqanngilaq, aalisarnernili allani akileraarusersuinissaq tulluarlunilu pissusissamisoortuuvoq. Anguniagassaq tassaassaaq, aalisarnerni tamani aningaasaqarnerup isertitaqarnerullu pitsaasumik ineriartornissaat, taamaasilluni isumalluutini akileraarusersuineq siunissami piviusunngortinneqarsinnaaqullugu.

Inussiarnersumik inuulluaqqusillunga

Med venlig hilsen

A handwritten signature in blue ink, appearing to read 'Andreas Uldum', written in a cursive style.

Andreas Uldum